


DS


735

A2W8

19--

V.36







尺木堂綱鑑易知錄卷七八

周之炯靜專

綱目續編定本

陰吳乘權楚材同輯

周之燦星若

南宋紀

高宗皇帝

名構徽宗第九子初封康王及二帝北狩遂即位於南京遷都臨安號南宋在位三十

十六年而內禪又二十五年而崩壽八十一歲。帝雖云中興然無撥亂之才初惑汪黃之佞繼阮苗劉之亂終成秦檜之姦雖相有李綱趙鼎將有張韓劉岳信任不堅黜戮相踵偷安一隅忍辱解衣由畏懦有餘而剛果不足故也或曰徽宗生帝時夢吳越王錢鏐入宮斯言信歟



劉汲死節

**綱**

戊申高宗皇帝建炎二年

金天會六年

春正月金人陷

鄧州

見上卷

范致虛出奔安撫使劉汲死之京西州

郡皆陷

**綱**

金將兀朮犯東京宗澤敗之金元朮自

鄭

今開封府鄭州

抵白沙

地名

去汴京

東京也

密邇都人震恐僚

宗澤對客圍棋

屬入問計宗澤乃對客圍棋笑曰何事張皇劉衍等

在外必能禦敵乃選精銳

習

數千使繞出敵後伏其

歸路金人方與衍戰伏兵起前後夾擊之金人果敗

粘沒喝據西京

洛陽

與澤相持澤遣部將閻中立郭俊

民李景良等帥兵趨鄭遇敵大戰兵敗中立死之俊

中立死節



張撝死節

民降。景良遁去。澤捕景良斬之。旣而俊民與金將中

姓者持書來招澤。澤皆斬之。劉衍還。金人復入滑。

諫大名府滑縣

澤部將張撝

揮

往救之。撝至滑。衆寡不敵。或

請少避之。撝曰。避而偷生。何面目見宗公。力戰而死。

澤聞撝急。遣王宣往援。已不及。因與金人大戰。破走

之。澤以宣知滑州。金自是不復犯東京。澤得金將遼

臣王策於河上。解其縛。問金之虛實。得其詳。遂決大

舉之計。名諸將謂曰。汝等有忠義心。當協謀勦敵。期

還二聖。以立大功。言訖泣下。諸將皆聽命。金人屢戰



宗廟命

不利。悉引去。宗澤復上疏請帝還京。曰。臣爲陛下保  
護京城。自去年秋至今春。又三月矣。陛下不早回。則  
天下之民何依戴。不報。澤威聲日著。敵聞其名。常尊  
憚之。對南人言。必曰宗爺爺。

雲間張氏曰。宗澤對客圍棋。其與謝安矯情鎮  
物。同一機也。雖然。澤之器局功業。無愧於安。而  
高宗又非晉武之荒淫。然一則不能雪懷愍之  
恥。一則不能復徽欽之讎。其故何哉。蓋論其不  
能盡君道。則高宗固無晉武之失德。論其信用  
讒佞。疎斥賢輔。則一而已。此晉之所以終於東。  
而宋之所以終於南也。

註音謝安見三  
卷二七

綱

金人破永興軍

治陝西西安府經略使唐重死之。綱竄內。



張慤薦劉

侍郤成章于南雄州。國臣何為阿諛苟容而不急救

正之邪故竄成章而以無罪例書不子其以無罪而竄之也。目時所在盜起汪伯

彥黃潛善匿不以聞。成章上疏言二人必誤國。帝怒

除名。編管南雄州。今廣東綱以劉豫知濟南府。目豫

景州。今直隸河人為河北。治直隸大名府提刑金人南侵豫

棄官避地真州。見七十張慤薦之。起知濟南。今山東

時盜起山東。豫不願行。請易東南一郡。執政不許。豫

忿而去。發劉豫奸邪非可用者茲因人薦起知濟南

據中原貽禍宋室尚誰咎哉綱二月金人陷淮寧。今

書之所以志宋失濟南之漸綱宋高宗



向子韶死

封府陳州知府向子韶死之。金人晝夜攻城。子韶率軍民固守。遣人詣宗澤乞援。未至城陷。金人欲降之。子韶罵不屈。遂爲所殺。闔門皆遇害。事聞。賜諡忠毅。淮寧初陷時。楊時聞之曰。子韶必死矣。蓋知其素守云。

綱金粘沒喝焚西京而去。三月翟進復之。詔以進爲京西北路安撫使。綱夏四月。金兀朮復入西京。翟進擊走之。綱工部侍郎兼侍講楊時罷。帝初卽位。除時工部侍郎。陛對言。古聖賢之君。未有不以興學爲務。除兼侍講。以老求去。遂提舉洞霄宮。時在東都。



推揚時爲程氏正宗

宗澤請還東京疏

今山東所交皆天下士先達陳瓘鄒浩皆以師禮事  
 東昌府時暨渡江東南學者推時爲程氏正宗綱以信王  
 爲河外兵馬都元帥五月下詔還京師不果發書下  
 京師喜之也書不果惜之也時宗澤招撫羣盜河北盜楊進丁  
 王大郎等河東巨聚城下又募兵儲糧名諸將約日  
 寇王善悉招降之渡河諸將皆掩泣聽命澤乃上疏大略言祖宗基業  
 可惜陛下父母兄弟蒙塵沙漠北方流日望救兵西  
 京陵寢爲賊所占去聲今年寒食節見五二未有祭享  
 之地而兩河二京陝右淮甸百萬生靈陷於塗炭乃



欲南幸湖外。蓋姦邪之臣。一爲賊虜方便之計。二爲

姦邪親屬皆已津置在南故也。今京城已增固。兵械

已足備。人氣已勇銳。望陛下毋沮萬民敵愾。愾。恨怒也。

左傳。文公四年。諸侯敵王所愾而獻其功。之氣而循東晉既覆之轍。奏至

或言信王榛有渡河入汴之謀。帝乃降詔。擇日還京。

**綱**許景衡罷。目時朝廷有大政事。景衡必請開。見十卷

四極諫。黃潛善汪伯彥以爲異己。因共以渡江南幸

之議爲景衡罪。罷之。景衡行至瓜洲。得暍。煙入聲。傷暑也。

疾卒。諡忠簡。景衡得程頤之學。志慮忠純。議論不與



定詩賦經  
義試士法

時俯仰既卒。帝思之曰。朕自即位以來。執政忠直過

事。敢言。惟許景衡爾。**綱**定詩賦經義試士法。**目**元祐

哲宗中。科舉以經義詩賦兼取。**紹聖**亦哲宗年號。以來罷

試詩賦。至是命參酌元祐科舉條制。定試士法。中書

省請習詩賦舉人。不兼經義。習經義人。止習一經。解

試。省試並計數各取。通定高下。殿試仍對策三道。故

事。廷試上十名。內侍先以卷奏定高下。帝曰。取士當

務。至公。豈容以已意升降。自今勿先進卷。**綱**以朱勝

非爲尚書右丞。以宇文虛中充金國祈請使。虛中



降金。**綱**詔御營統制韓世忠會宗澤以禦金。王彥引

兵屯滑州。**目**時得報虜分道渡河詔世忠與澤率所

部迎敵。澤聞王彥聚兵太行山。見上卷二十八欲大舉趨太

原。見上卷十澤卽以彥爲忠州防禦使。制置河北。見同

上軍事恐彥孤軍不可獨進召彥計事彥悉召諸寨

指授方略以俟會合乃以萬餘人先發金人以重兵

躡其後而不敢擊既至汴澤令宿兵近甸以衛根本

彥遂屯滑州。今直隸大名府滑州之沙店澤上疏曰臣欲乘此

暑月遣彥等自滑州渡河取懷衛濟。俱見上相今河南彰德府

宗澤請還京師疏



鄂州主再興等自鄭州見上直護西京陵寢馬櫓

自大名取洛明。今直隸廣平府相真定今直隸真定府楊進王善丁

進等各以所領兵分路並進既渡河則山寨忠義之

民相應者不啻試百萬願陛下早還京師臣當躬冒

矢石為諸將先中興之業必可立致疏入黃潛善等

忌澤成功從中沮之綱秋七月東京畱守宗澤卒以

杜充代之綱澤前後請帝還京二十餘奏每為黃潛

善汪伯彥所抑潛善伯彥又疑澤為變以郭仲荀為

副畱守以察之澤憂憤成疾疽發於背諸將入問疾



澤翼

覺然

驚顧貌

曰吾以二帝蒙塵憤憤至此汝等能

戡殺也。盡

敵則我死無恨衆皆流涕曰敢不盡力諸

將出澤歎曰出師未捷身先死長使英雄淚滿襟無

一語及家事但連呼過河者三而卒年七十都人號

連呼過河者三

慟計聞贈觀文殿學士謚忠簡澤子穎居戎幕素得

士心都人請以穎繼父任時已命杜充代澤不許充

酷而無謀至汴悉反澤所爲於是豪傑離心降盜聚

城下者復去

剽劫也

掠矣

史臣曰方二帝北行宗社失主宗澤一呼而河  
北義旅數十萬衆若響之應聲實澤之忠義存



馬伸劾汪  
黃不法十  
七事

以風動之也。使當時無或齟齬奉制之。則反  
帝復舊都。一指顧開耳。黃潛善汪伯彥嫉能  
功而高宗惑於儉邪之口。善善而不能  
用。使澤不得信其志。發憤而卒悲哉。

綱八月貶殿中侍御史馬伸監澧州酒稅卒于道。回

伸自湖南治湖廣長沙府即潭州見上卷二十九還上疏言黃潛善汪伯

彥不法十七事乞速罷二人政柄別選賢者其圖大

事疏入畱中明日改授衛尉少卿伸辭不拜錄其疏

申御史臺且言臣論可采即乞施行非是合坐誣罔

之罪因移疾移文待命詔伸言事不實送吏部責監

澧州見上卷四酒稅趣促使主道伸怡然僕被而行竟



趙子砥  
虎之喻

死道中聞者寃之。伸學於程頤。勇於為義。每日吾志。在行道。以富貴為心。則為富貴所累。以妻為念。則為妻子所奪。道不可行也。綱以趙子砥。紙知台州。綱

子砥自燕山

見上卷末

遁歸。命輔臣問北事甚悉。子砥大

略言。金人講和。以用兵我國。斂兵以待和。吾國與金

勢不兩立。昔契丹

遼

主和議。女真

金

主用兵。十餘年

間。竟滅契丹。今復蹈其轍。譬人畏虎。以肉餵之。

餵也

之

食盡。終於噬人。若設陷穽。以待之。然後可以制虎矣。

遂命知台州

今浙江

綱

金主吳乞買廢上皇為昏德



公靖康帝為重昏侯徙之韓州。金主命二帝赴上

京。今盛京奉天府開原縣

以素服見金太祖廟遂見金主於乾

元殿金封太上皇帝為昏德公淵聖皇帝為重昏侯

未幾徙之韓州。

去燕京一千五百餘里

命晉康郡王李騫等九

惟秦檜不與徙

百餘人至韓州同處惟秦檜不與徙依撻懶以居撻

懶亦厚待之。

**綱**九月郭三益卒。

**綱**金將訛里朶

朶襲

破信王榛于五馬山砦遂會粘沒喝入寇。

**綱**冬十月

隆祐太后如杭州。

**目**侍御史張浚請先定六宮所居

地詔孟忠厚奉太后及六宮皇子如杭州。

今浙江杭州府

以



楊粹中死

苗傳劉正彥為扈從都副統制綱知濮州楊粹中

中襲破金粘沒喝軍十一月金人陷濮州粹中死之

綱粘沒喝訛里朵合兵圍濮州見以上濮州小易之至

城下知州楊粹中固守命將姚端夜擣其營粘沒喝

蹴先上聲足走僅以身免遂攻城益急凡三十三日

而陷粹中被執竟不屈而死綱金人寇晉寧軍治山

府知軍事徐徽言拒却之知府州府今陝西延安折可

求叛降金綱十二月劉豫叛降金綱捷懶圍濟南見

三劉豫遣子麟禦却之捷懶遣人陷之也。餌豫以利



郭永有節

豫懲前忿。見同上遂殺濟南驍將關勝。率百姓降金。有

姓不從豫。繼堅城納款。綱金訛里朵陷北京。見六八

提刑郭永死之。綱以黃潛善汪伯彥為尚書左右僕

射兼門下中書侍郎。顏岐朱勝非為門下中書侍郎。

盧益同知樞密院事。綱金粘沒喝陷襄慶府。綱軍士

有欲發孔子墓者。粘沒喝問其通事高慶裔。異曰孔

子何人。曰古之大聖人。粘沒喝曰大聖人墓安可發。

遂殺軍士。綱以禮部侍郎張浚參贊御營軍事。綱浚

極言金人必來。請豫為備。黃潛善汪伯彥以為過計。

大聖人墓  
安可發



而笑之。命浚參贊軍事。與呂頤浩教習河北兵民。

**綱**己酉三年。

金天會七年。

春正月。河北制置使王彥致仕。

**臣**彥以所部兵馬付東京。

汴京。

畱守司。而率親兵趨行

在。

見三三卷六。

見黃潛善汪伯彥力陳兩河。

河北河東。

忠義延

頸以望王師。願因人心大舉北伐。言辭憤激。二人大

怒。遂請降旨免對。彥遂稱疾致仕。**綱**金粘沒喝陷徐

州。

今江南徐州。

知州事王復死之。**臣**金人圍城。復與子倚

率軍民力戰。外援不至。城陷。復謂粘沒喝曰。死守者

我也。願殺我而舍僚吏百姓。粘沒喝欲降之。復嫚罵。

汪復闔門死節



求死。闔門百口皆被殺。綱韓世忠會兵救濮州。至水

陽。今江南淮安府沐陽縣兵潰。會金粘沒喝遂入淮。淮水在江南鳳陽府

泗。今鳳陽府泗州綱二月詔劉光世將兵阻淮以拒金。光世

兵潰走還。金粘沒喝遂陷天長軍。帝奔鎮江。目粘沒

喝至楚州。即淮安府守臣朱琳降。遂乘勝而南。陷天長軍。

今鳳陽府天長縣內侍鄭疏詢報金兵至。帝即被批甲乘騎

馳至瓜洲步。在揚州府南得小舟渡江。惟護聖軍卒數人

及王淵張俊內侍康履等從行。日暮至鎮江。今江南

時汪伯彥黃潛善方率同列聽浮屠僧也克勤說法罷

汪黃方聽  
浮屠說法

帝奔鎮江



士學新

會食。堂吏大呼曰：「駕已行矣。」二人相顧倉皇，乃戎服策馬南馳。居民爭門而出，死者相枕藉，無不怨憤。司農卿黃鶚至江上，軍士以爲黃潛善罵之曰：「誤國誤民，皆汝之罪。」鶚方辨其非，是而首已斷矣。是日金將馬五帥五百騎先馳至揚州城下，聞帝已南行，乃追至揚子。今揚州府儀真縣橋時事起倉卒，猝朝廷儀物皆委棄。太常少卿季陵亟取九廟神主以行，出城未數里，回望城中煙焰燭天。陵爲金人所追，亡太祖神主於道。



雲間張氏曰黃汪二賊欺君誤國至於如此之極厥罪何可勝誅於時四面皆金兵矣尚聽得屠說法無異平日孟子曰安其危而利其菑樂其所亡者其二賊之謂歟向非鄭詢之報而急渡江則高宗亦成擒矣若使李綱不安置王彥不致引馬伸之言而罷二賊則高宗未必如是之狼狽也噫然則高宗之東奔西逐者無乃其自取乎

**綱**帝如杭州以呂頤浩簽書樞密院事守鎮江臣帝

至鎮江宿於府治翌日召從臣問去爾吏部尚書呂

頤浩乞留蹕見十一卷四以為江北聲援羣臣皆以為然

王淵獨言鎮江止可捍一面若金人自通州今江南揚州府

通渡江以據姑蘇見四卷三八將若之何不如錢塘今浙江

綱監易知錄卷二十八宋高宗十一



州府錢塘縣

有重江之險。帝意遂決。以頤浩為江淮制置

使。與行在

上見

五軍制置使劉光世駐鎮江。又以楊惟

忠節制江東軍馬。駐江寧。

今江南江寧府

是夕發鎮江。越四

日次平江。

今江南蘇州府

命朱勝非節制平江秀州。

今浙江嘉興府

軍馬張浚副之。留王淵守平江。又二日次崇德。

今浙江嘉興府

石門縣

時呂頤浩從行。即拜同簽書樞密院事。江淮兩

浙制置使。以兵二千還屯京口。

即鎮江府

又命張俊以兵

八千守吳江。

今蘇州府吳江縣

綱金婁室陷晉寧軍。徐徽言

死之。

綱婁室破晉寧軍。

見上

徽言據子城拒戰。因潰

徐徽言死



罪李綱以  
謝金人  
馬擴應詔  
上書

會圍走被擒。使之拜。不拜。臨之以兵。不動。命折可求  
諭使降。徽言大罵。妻室殺之。統制孫昂及士卒皆不  
屈。被害。事聞。贈徽言晉州即平陽府觀察使。諡忠壯。綱帝  
至杭州。赦。帝駐蹕杭州。卽州治爲行宮。下詔罪已  
求直言。赦死罪以下。放還士大夫被竄斥者。惟李綱  
不赦。更不放還。蓋用黃潛善計。罪綱以謝金也。和州  
今江南和州防禦使馬擴應詔上書言。前日之事。其誤有  
四。其失有六。今願陛下西幸巴蜀。見二十七卷十六用陝右之  
兵。留重臣使鎮江南。撫淮甸。破金賊之計。回天下之



心是爲上策。都守武昌。

今湖廣武昌府。

襟帶荆湖。控引川廣。

招集義兵。屯布上流。扼據形勢。密約河南諸路豪傑。

許以得地世守。是爲中策。駐蹕金陵。

卽江寧府。

備禦江口。

通達漕運。精習水軍。厚激將士。以幸一勝。觀敵事勢。

預備遷徙。是爲下策。若倚長江爲可恃。幸金賊之不

來。猶豫

見九卷二入。

遷延。候至秋冬。金賊再舉。驅虜舟楫。

同。江淮千里。數道並進。方當此時。然後又悔。是爲無

策。擴累數千言。皆切事機。**綱**金人焚揚州而去。**綱**黃

潛善汪伯彥以罪免。**目**潛善伯彥自知不爲衆所容。

晉劉之亂

聯疏求退中丞張澂澄論二人大罪二十致陛下蒙

塵天下怨懟乞加罪斥乃罷潛善知江寧府伯彥知

洪州今江西南昌府綱以葉夢得張澂爲尚書左右丞三

月以朱勝非爲尚書右僕射夜兼中書侍郎命張浚

駐平江葉夢得罷以王淵同簽書樞密院事以

呂頤浩爲江東安撫制置使綱扈戶從統制苗傅劉

正彥作亂殺王淵及內侍康履等劫帝傳位于魏國

公剪請隆祐太后臨朝綱苗傅負世將以王淵驟

遷顯職心不平之而劉正彥亦以招降劇盜功大賞



薄怨上。二人因相結。時內侍康履等恃恩用事。妄作威福。陵忽諸將。諸將嫉之。中大夫王世脩亦嫉內侍。恣橫言於正彥。正彥曰。會當共除之。及王淵入樞府。傳等疑其由內侍以進。遂與世脩謀。先斬淵。然後殺宦者。議既定。時以劉光世爲殿前都指揮使。百官入聽宣制。傳正彥令世脩伏兵城北橋下。俟淵退朝。卽猝下馬。誣以結宦者謀反。正彥手斬淵。卽與傳擁兵至行宮。執康履等斬之。帝諭傳等歸營。傳等逼帝傳位皇太子。請隆祐太后同聽政。太后出見傳等。諭

張浚會兵  
討賊

之曰。今強敵在前。吾以一婦人抱三歲兒決事。何  
令天下敵國聞之。豈不轉加輕侮。傅等不從。后顧朱  
勝非曰。今日政須大臣果決。相公可無一言。勝非白  
帝曰。傅等腹心有王鈞甫者。適語臣云。二將忠有餘  
而學不足。此語可爲後圖之緒。帝乃卽坐上作詔。禪  
位於皇子。而請太后同聽政。宣詔畢。傅等麾其軍退。  
於是皇子即卽位。太后垂簾決事。尊帝爲睿。聖仁  
孝皇帝。以顯寧寺爲睿聖宮。是夕徙帝居之。大赦。改  
元明受。綱張浚呂頤浩會兵討賊。改元赦書至平。



江。見上。張浚命守臣湯東野祕不宜。既而得苗傅等

所傳檄。吸浚慟哭。召東野及提刑趙哲謀起兵討之。

時傳令張浚以三百人赴秦鳳。見七四卷二五而以餘兵屬

祝他將。浚知其僞。拒不受。即引所部八千人至平江。

浚見浚語。去聲故相持而泣。且諭浚以將起兵問罪。赦

至江寧。同上呂頤浩曰。是必有兵變。其子抗曰。主上

春秋鼎。方也盛二帝蒙塵沙漠。且望拯。整救。其肯遽遜

位於幼冲乎。灼知兵變無疑也。即遣人寓書於浚。浚

以頤浩有威望。能斷大事。乃答書約共起兵。且告劉

光世於鎮江

見上

令以兵來會。頤浩得浚書。上疏請

復辟。

辟君也。猶言復位。

遂以兵發江寧。會韓世忠自鹽城。

南淮安府鹽城縣。

由海道將行在。

見上

至常熟。今江南蘇州府常熟縣。

縣。張俊聞之曰。世忠事濟矣。因白浚。以書招之。世

韓世忠以酒酹地。

忠得書。以酒酹。類地曰誓。不與此賊共戴天。至平江。

張浚戒韓世忠。

見浚。慟哭曰。今日之事。世忠願與張俊任之。公無憂也。浚因大犒俊世忠將士。眾皆感憤。於是令世忠帥

兵赴闕。戒之曰。投鼠忌器。見十一卷三十四事。不可急急。則恐

有他變。宜趨秀州。

見上

據糧道。

以俟大軍之至。世忠

十五



發平江。至秀州。稱病不行。而大脩戰具。傅等聞之。始

懼。乃遣苗瑀馬柔吉將重兵拒臨平。湖名在杭州府城東北。頤

浩將至平江。浚乘輕舟逐之。既而劉光世兵亦至。浚

頤浩等發平江。上疏乞建炎皇帝還卽尊位。傅等聞

之。憂恐不知所爲。朱勝非謂之曰。勤王之師未進者

使是閒自反正耳。不然。下詔率百官六軍請帝還宮

公等置身何地乎。傅等遂帥百官朝於睿聖宮。帝慰

勞。去聲。之。綱金以劉豫知東平府。見七卷三人以豫子麟知濟南府。綱

夏四月。帝復位。召張浚知樞密院事。綱呂頤浩張浚

敗賊將苗翊于臨平。苗傅劉正彥夜遁。頤浩浚入杭  
州。曰呂頤浩張浚軍次秀州。頤浩諭諸將曰。今雖反

正。而賊猶握兵居內。事若不濟。必反。以惡名加我。翟

義

見十九卷一

徐敬業

見四六卷八

可監也

進次臨平

苗翊馬

柔吉負山阻水爲陣。中流植鹿角以梗行舟。韓世忠

舍舟力戰。張俊劉光世繼之。翊衆少却。世忠復舍馬

操戈而前。翊遂敗走。勤王兵入北關。傅正彥擁精兵

二千

夜開

劔金門

以走將

南趨閩中

今福建省

頤浩浚

入

城。世忠

手執王

世脩以

屬祝

吏頤浩

浚入

見伏地涕



韓世忠  
吳玠王世  
所

正三省  
名

新鑑外傳 卷之八 十一

泣待罪。帝問勞再三。握世忠手慟哭曰。中軍統制吳

湛。佐逆為最。尚留朕肘腋。能先誅乎。世忠即謁湛。握

手與語。折浙其中指。與王世脩俱斬於市。逆黨皆貶。

**綱**朱勝非。顏峻。王孝迪。張澂。路允迪。盧益。免。**綱**以呂

頤浩為尚書右僕射。兼中書侍郎。李昉為尚書右丞。

鄭穀。覺。簽書樞密院事。以劉光世為御營副使。韓世忠張俊為御前左右軍都統。

**綱**重正三省官名。**目**從呂頤浩之言。詔左右僕射

並同中書門下平章事。改中書門下侍郎為參知政

事。省尚書左右丞。三省始合為一。**綱**以李昉參知政

事綱帝如江寧

既至改江寧為建康府

綱冊魏國公專為皇太

子綱五月以張浚為川陝京湖宣撫處置使便宜黜

陟

綱曰浚謂中興當自關陝

關中陝西也

始慮金人或先入

陟

陝西四川也

則東南不可保因慷慨請行詔以浚為

宣撫處置使聽便宜黜陟置幕府

見四一於秦州今陝

西鞏昌府秦州

初浚宣撫川陝之議未決監登聞檢院江若

天下常山蛇勢

海曰天下者常山蛇勢也秦蜀為首東南為尾中原

為脊今以東南為首安能起天下之脊哉將圖恢復

必在川陝浚大悅綱以滕康同簽書樞密院事綱遣



徽猷閣待制洪皓使金。金人拘之。目粘沒喝還雲中。

見七。六。訛里朵還燕山。見上卷三十。帝遣皓如金。遣去粘

沒喝書。願去尊號。用金正朔。比於藩臣。皓至雲中。粘

沒喝迫皓使仕劉豫。皓曰。萬里銜命。不得奉兩宮南

歸。恨力不能磔。窄也。裂。逆豫忍事之邪。畱亦死。不即

就豫亦死。不願偷生。狗鼠閒願就鼎鑊。無悔。粘沒喝

怒。將殺之。旁一校曰。此真忠臣也。呂止劍士為皓跪。

請得流遞冷山。**綱**韓世忠獲苗傅。劉正彥送行在。誅

之。帝手書忠勇二字。**綱**六月。大霖雨。詔郎官以上言

洪皓忠義

韓世忠擒苗傅

趙鼎諫王  
安石配享

下詔以四  
失罪已

闕政罷王安石配享神宗廟庭。時久雨恆陰。呂頤  
浩張浚皆謝罪求去。詔郎官以上言闕政。司勳員外  
郎趙鼎上疏曰。自熙寧神宗年號開主。安石用事。變祖宗  
之法。而民始病。假闢國之謀。造生邊患。興理財之政。  
窮困民力。設虛無之學。敗壞怪人材。至崇寧徽宗年號初。  
蔡京託紹述之名。盡祖安石之政。凡今日之患。始於  
安石。成於蔡京。今安石猶配享神宗。而京之黨未除。  
時政之缺。莫大於此。帝從之。遂罷安石配享。尋下詔  
以四失罪已。一曰昧經邦之大略。二曰昧戡難之遠。



張守節思  
二帝母后

圖。三曰無緩人之德。四曰失馭臣之柄。仍榜朝堂。使  
知朕悔過之意。中丞張守上疏曰。陛下處宮室之安。  
則思二帝母后穹廬。見六二。義。次去。幕。莫。義。細。羊。卷三。  
之居。享膳羞之奉。則思二帝母后羶。羶。羊。臭。也。羶。平。聲。肉酪。  
洛漿。乳漿。漿。也。之味。服細煖之衣。則思二帝母后窮邊絕  
塞之寒苦。操予奪之柄。則思二帝母后語言動作受  
制於人。享嬪御之適。則思二帝母后誰為之使令。平聲。  
對臣下之朝。則思二帝母后誰為之尊禮。思之又思。  
兢兢栗栗。聖心不倦。而天不為之順助者。萬無是理。

高宗罪之  
未當

崔維新

也。今罪已之詔數下而天未悔禍實有所未至耳。

雲間張氏曰高宗南渡之失非止一端其最大者昧邪正之分忠佞之別也觀其罪已之文雖曰有四而首不及此者其亦罪之未當也然宋室之禍實自王安石揭開其蒙流毒於後趙鼎一疏可謂迴流而源深得其當信乎時政之關莫大於此綱目書曰罷王安石配享神宗廟廷所以深著高宗聽言之美亦足以為南渡之一幸也

**綱**金元术大舉入寇**目**帝以金人復來乃遣工部尚

書崔縱使金并通問二帝縱至金首以大義責金人

請還二帝金人怒徙之窮荒縱不少屈竟死焉**綱**秋

七月太子勇卒**諡**元**綱**鄭穀卒以王綯參知政事



張浚與劉子羽謀誅范瓊

周望同簽書樞密院事。綱御營司提舉范瓊有罪。伏誅。張浚發建康。匡初汴京破。二帝及宗室北遷。多瓊之謀。又乘時剽掠左右。俱去張邦昌為之從衛。至是自洪州。今江西南昌府入朝。悖慢無禮。且乞貸苗。劉等死。帝畏其威。以為御營司提舉。一行事務。張浚將赴川陝。與樞密檢詳文字劉子羽密謀。誅之一日。命張浚以千兵渡江。若備他盜者。使皆甲而來。因招瓊俊及劉光世赴都堂議事。為設食。食已。諸公相顧未發。子羽坐廡下。恐瓊覺。取黃紙趨前。舉以磨瓊。曰。下有敕。將

軍可詣大理寺置對。瓊愕不知所為。子羽顧左右擁

置輿中。衛以俊兵送獄。光世出撫其衆。數上聲瓊在圍

城中。附金迫二帝北狩之罪。且曰。誅止瓊爾。汝等固

天子自將之軍也。衆皆投刃曰諾。有旨分隸御營五

軍。瓊下獄具伏。賜死。子弟皆流嶺南。治廣東廣州府瓊既誅

張浚乃發建康。見上十綱升杭州為臨安府。將定都焉綱

詔李昫。滕康。權知三省樞密院事。奉隆祐太后如洪

州。見上綱以杜充同知樞密院事。充留守東京以糧絕

將發汴岳飛諫曰。中原地尺寸不可棄。今一舉足綱

此地非我有。他日取之。非數十萬衆不可。不聽。綱



林勳上本  
政書

廣州

今廣東廣州府

教授林勳上本

政書

勳上本

政書十

三篇言國朝兵農之政大抵因唐末今農貧而多失

職兵驕而不可用地利多遺財用不足皆本政不脩

之故宜倣古井田之制使民一夫占夫田五十畝其

有餘田之家毋得市田其無田與游惰末作者皆

驅之使為隸農以耕田之羨者而雜組錢穀以為什

一之稅每十六夫為一井每井賦二兵馬一匹蠶婦

之貢絹三尺綿一兩非蠶鄉則布六尺麻二兩其說

甚備書奏詔以為桂州

今廣西桂林府

節度掌書記其後朱

朱熹甚愛其書

熹希甚愛其書。陳亮亦曰：此書考古驗今，思慮周密，世之爲井田之學者，無以加矣。綱八月，李邠罷。以劉珣權知三省樞密院事。綱遣使致書于金，金人不答。綱時聞金人南侵，而洪皓、崔縱未得前，帝求可使緩師者，乃遣京東轉運判官杜時亮及脩武郎宋汝爲使金，師以請和，致書於粘沒喝，曰：古之有國家而迫於危亡者，不過守與奔而已。今以守則無人，以奔則無地，此所以認認健然畏懼，惟冀閤蛤下之見哀而赦已。故前者連奉書，願削去舊號，是天地之間皆大



金之國而尊無二上

見十八卷十三

亦何必勞師遠涉而後

爲快哉

**綱**閏月以呂頤浩杜充爲尚書左右僕射並

同平章事

**綱**罷起居郎胡寅**目**寅上疏曰陛下以親

胡寅上疏

王介弟受淵聖皇帝

欽宗

之命出師河北二帝既遷則

當糾合義師北向迎請而乃亟居尊位建立太子不

復歸覲宮闕展嘗陵寢偷安歲月略無扞禦及虜騎

乘虛匹馬南渡一向畏縮惟務遠逃軍民怨咨恐非

自全之計也因造七策一罷和議而脩戰略二置行

胡寅七策

臺以區別緩急之務三務實效去虛文四大起天下

之兵以自強。五。都荆襄。今湖廣荊州襄陽二府以定根本。六。選

宗室之賢才封建任使之。七。存紀綱以立國體。書凡

數千言。呂頤浩惡其切直罷之於外。**綱**詔杜充韓世

忠。劉光世分屯江東以備金。以杜充兼江淮宣撫使守建康王玠隸之韓世

忠為浙西制置使守鎮江劉光世為江**綱**帝如臨安

東宣撫使守太平池州皆受充節制**綱**九月金人陷南京。今河南歸德府**綱**詔周望

守平江。見上**綱**以張守同簽書樞密院事。**綱**命劉光

世移屯江州。命光世移屯江州以屏蔽之。豫章即

洪州見上江州**綱**遣直龍圖閣張邵使金。金人囚之

今江西九江府



張邵不屈

邵至濰州

今山東萊州府濰縣

見撻懶命邵拜邵曰監軍與

邵為南北朝從臣無拜禮且具書言兵不在強弱在

曲直天未厭宋而金乃裂地以封劉豫復窮兵不已

曲有在矣撻懶怒取國書去送邵密州

今山東青州府諸城縣

囚於祚山砦綱金禁民漢服殺故知真定府李邈

金下令禁民漢服又令髡

坤髮也

不如式者殺之

邈故為真定

今直隸真定府

帥被執三年金人欲使知滄州

今直隸河間府滄州邈笑不答及髡髮令下邈憤詆之虜搃

職

反擊

搃亦擊也

其口猶吮

前上聲口喻也

血

巽噴也

之遂遇害

李邈死節

邈將死。顏色不變。南向拜。訖。就死。燕人爲之流涕。後

事聞。諡曰忠壯。**綱**冬十月。帝至臨安。留七日。復如越

州。今浙江**綱**張浚治兵于興元。以圖中原。**綱**浚至興

張浚治兵  
興元以圖  
中原

元。今陝西上疏言漢中實形勝之地。前控六路。陝西

之師。後據兩川。見六十四卷之粟左。通荆襄。見上之財右。出

秦隴。見三十八卷之馬。號令中原。必基於此。宜謹積粟理

財。以待巡幸。於是辟壁也劉子羽參議軍事。承制以

趙開爲隨軍轉運使。專總四川財賦。開見浚曰。蜀之

民力盡矣。錙支也。六銖分銖銖也。二十四不可加。獨權見



四卷三三。貨尚存贏餘。而貪猾認為已有。共相隱匿。惟不

恤怨。詈斷而敢行。庶可救一時之急。浚銳胃意興復

委任不疑。時浚荷重寄。旬犒月賞。期得士死力。費用

不貲。資也。貨量也。悉取辦於開。開悉智慮於食貨。算無遺

策。雖支費不可計。而貲財貨亦財也。常有餘。初陝西都統

制曲端欲斬節制使王庶。去年十一月金婁室陷延安。王庶使曲端將兵救之。

端次于襄樂。不進。庶自將百騎馳赴襄樂。勞軍。端彌不平。見庶問延安失守狀。謀殺之不果。乃奪其節制。

使印。會庶自劾得詔。罷守京兆。乃去。朝廷疑其叛。浚以百口保之。且以

其與敵屢角。欲仗其威聲。承制築壇拜端。武威大將

趙立淮陰之提

軍宜撫司都統制軍士權聲如雷子羽又薦涇原今陝

西平涼府都監吳玠及弟璘之才勇浚以玠為統制璘掌

帳前親兵綱金人趨江西劉光世引兵遁十一月隆

祐太后如虔州今江西贛州府江西州軍多陷綱知徐州趙

立將兵勤王敗金人于淮陰見上立聞詔諸路以兵勤

王乃將兵三萬趨行在見上杜充承制以立知楚州

今江南金人聞立棄徐州今江南徐州將赴楚州乃以兵

邀於淮陰即楚州立麾下勸立不如還保徐州立奮怒

嚼其齒曰回顧者斬於是率眾徑進與金人遇轉戰



四十里至楚州城下立中箭貫兩頰口不能言以手

指揮諸軍前歇定方拔出之議者謂自燕山遼燕京今直隸

順天府之役南北戰爭未有如此之鏖見上卷戰者綱

以范宗尹參知政事趙鼎為御史中丞目二人皆嘗

建議避狄故遂用之鼎上言經營中原當自關中今陝

西步府始經營關中當自蜀今四川始欲幸蜀當自荆

襄今湖廣荆州始吳越介在一隅非進取中原之地

荆襄左顧川陝右控湖湘湖南湘州今湖廣長沙府而下瞰苦隘

也俯視京洛今荆州府三國所必爭宜以公安今荆州府為

楊邦乂死節

行闕而屯重兵於襄陽運江浙之粟以資川陝之兵  
經營大業計無出此綱金兀朮渡江入建康杜充叛  
降金逼判楊邦乂死之目時江浙倚重於充而充日  
事誅殺且無制敵之方及兀朮與李成合兵攻烏江  
在江南和州城北充閉門不出統制岳飛泣諫請視師充不  
從兀朮遂乘充無備進兵取和州無爲軍見六八卷三一王  
善迎降遂由馬家渡渡江陷太平州今江南寧國府太平縣充  
始遣都統制陳淬翠及飛帥師迎戰王璦以軍先遁  
淬敗死諸將皆潰增充兵亦散兀朮至建康今江南江寧府



守臣陳邦光戶部尚書李稅拙迎降充渡江保真州

今江南揚州府儀真縣元木遣人說之曰若降當封以中原如

張邦昌故事見上卷六充遂還建康與稅邦光率官屬逐

金師拜元木於馬首通判楊邦乂獨不肯屈膝以血

以血大書衣裾

大書衣裾居。衣。後裾。曰寧作趙氏鬼不為他邦臣元木

使人誘以官終不屈大罵求死遂殺之充至金粘沒

喝薄其為入久之乃得仕綱帝奔明州目帝聞杜充

巨頤浩進

敗謂呂頤浩曰事迫矣若何頤浩遂進航杭海之策

頤海之策

其言曰敵兵多騎必不能乘舟襲我江浙地熱必不

岳飛廣德之捷

能久留俟其退去復還二浙見七十七卷彼出我入彼入

我出此兵家之奇也帝然之遂如明州見同上**[綱]**韓世

忠自鎮江今江南鎮江府見上二二退守江陰今江南常州府江陰縣十二

月金元术陷臨安見上二十遣兵渡浙江名在杭州府城東迫帝帝

航于海**[綱]**江淮統制岳飛敗金人于廣德**[目]**飛率所

部自建康躡金人於廣德今江南廣德州境中六戰皆捷擒

金將王權俘俘。軍所虜囚日俘首領四十餘察其可用者結

以恩義遣還令夜斫斫也營縱火飛乘亂縱擊大破

之駐軍鍾村軍無見現糧將士忍飢秋毫無犯金所



此岳爺爺軍

籍兵相謂曰此岳爺爺軍也爭降附之綱金人阿里蒲盧

渾陷越州遂寇明州張俊使統制楊沂中迎戰于高

楊沂中高橋之捷  
橋在寧波府西門敗之

綱庚戌四年金天會八年春正月金人陷明州屠其民遂

襲帝于海帝走溫州綱是月朔西風大作金師乘之

復攻明州張俊劉洪道坐城樓遣兵掩擊殺傷大半

金人奔北死於江者無數夜拔砦退屯餘姚今紹興府餘姚

縣而遣人請濟師於元术元术遣兵與阿里蒲盧渾

復攻明州張俊懼師師趨台州今浙江台州府劉洪道亦遁

金師入城屠其民帝聞明州陷遂移次台州章安鎮

今台州府天台縣

金人聞帝在章安以舟師追三百餘里弗

及提領海舟張公裕引大舶白。海中大船。擊却之金人引

還帝發章安如溫州

今浙江溫州府

泊於港

講口

**綱**金婁室

**李彥仙死**

陷陝州知府李彥仙死之

**綱**彥仙在陝

今河南府陝州

益

為戰守備遣統領邵興復虢州

見七二卷二

金將焉魯來

攻彥仙敗之婁室聞之自蒲解

見七二卷九

率兵大至彥

仙又大敗之婁室僅以身免彥仙度

鐸

金人必併力

來攻自遣人求兵於張浚已而婁室果率折可求等



衆十萬來分其軍爲十。以正月旦爲始。日輪一軍攻  
城。期以三旬必拔。彥仙意氣如常。數期出兵與戰。旣  
而食盡。告急於浚。浚檄吸。徵。兵之書。曲端以涇原見。兵。援。  
之端素嫉彥仙。不奉命。浚曰。金若下陝。則全據大河  
且窺蜀矣。乃出師至長安。今陝西西安府長安縣。道阻不得進。  
彥仙日與金戰。婁室奇其才。誘淡。餌。百端。彥仙  
悉斬其使。力盡城陷。彥仙投河死。其屬官居民無一  
人降者。婁室怒。盡屠之。**綱**滕康劉珪免。二月。以盧  
益李回權知三省樞密院事。**綱**金元朮引兵北還。元。

還臨安縱火焚掠以輜重不可薄陸取道秀州而比  
**[綱]**金人入東京汴京**[綱]**周望

棄軍走太湖府在江南常州城東南  
金人大掠平江見上**[綱]**三

月遣使迎隆祐太后于虔州**[目]**帝謂輔臣曰太后愛

朕不啻試已出今在數千里外兵馬驚擾當亟奉迎

以愜朕朝夕慕念之意遂遣盧益等奉迎於虔州見上

**[綱]**夏四月張浚引兵入衛聞金軍退乃還**[綱]**帝還

越州**[目]**帝發溫州至越州下詔親征巡幸浙西治杭州府

尋升越州為紹興府**[綱]**韓世忠邀擊金兀朮于江中

大敗之走建康復引兵襲世忠世忠敗績兀朮遂趨



江北。初韓世忠以前軍駐青龍鎮中軍駐江灣後

軍駐海口。欲俟兀術師還擊之。及兀術由秀秀州今浙江嘉

府趨平江。世忠事不就。遂移師鎮江。上見以待之。金師

驅世忠江中破金元

至江上。楊子江上也。江在江南揚州府儀真縣及鎮江府城西北。世忠先以八千

人屯焦山。在鎮江府城東北江中。寺。兀術欲濟江。乃遣使通問

且約戰期。世忠許之。因謂諸將曰。是閒形勢無如金

山。在鎮江府城西北揚子江中。龍王廟者。敵必登之以覘諂平去二聲。

窺視也。我虛實乃遣蘇德將百人伏廟中。百人伏廟下

岸側。戒之曰。聞江中鼓聲。則岸兵先入廟。兵繼出以

碑世忠妻梁氏

合擊之。及敵至，果有五騎趨廟。廟兵先鼓而出，獲兩騎。其三騎則振策以馳。馳者一人，紅袍玉帶，既墜復跳而免。詰乞諸獲者，則元术也。既而接戰江中，凡數十合。世忠妻梁氏親執桴浮。擊鼓杖也。鼓敵終不得濟。俘獲甚衆。虜元术之壻龍虎大王元术懼，請盡歸所掠以假道。世忠不許。復益以名馬，又不許。遂自鎮江沂素流逆流而西。元术循南岸，世忠循北岸。且戰且行。世忠蒙蒙同。戰船。大艦咸上聲。大戰船也。出金師前後數里，擊柝之聲達旦。將至黃天蕩，元术窘甚，或曰：「老鸛。」



河在江南江寧府西故道今雖湮因塞湮亦塞也若鑿之可通秦

淮見六四卷三五兀木從之一夕渠成凡三十里遂趨建康

見土岳飛以騎三百步兵三千邀擊於新城今淮安府

縣大破之兀木乃復自龍灣出江中趨淮西會撻懶

自維州見上遣字董僅。女真部。長日字董太一引兵來援兀

木乃復引還欲北渡世忠與之相持於黃天蕩太一

軍江北兀木軍江南世忠以海艦進泊金山下豫以

鐵綆貫大鉤授健者明旦敵舟謀而前世忠分海舟

為兩道出其背每一綆則曳葉也一舟沉之兀

鉤鐵綆貫大

閩人獻焚舟之策

木窮蹙求會語。所請甚哀。世忠曰：還我兩宮，復我疆土，則可以相全。元術語塞。又數日，求再會而言不遜。世忠引弓欲射之。元術亟馳去。見海舟乘風使篷，往來如飛。謂其下曰：南軍使船如使馬，奈何？乃募人獻破海舟之策。於是閩人王姓者教其舟中載土，以平板鋪之，穴船板以櫂。櫂，去聲。槳，縱曰櫂，橫曰槳。俟風息，則出海舟無風不可動也。且以火箭射其箬篷，則不攻自破矣。元術然之。及天霽，際也。雨止也。風止，元術以小舟出江。世忠絕流，直渡曰絕。擊之。海舟無風不能動。元術令



金人自是  
不敢復渡  
江

善射者乘輕舟以火箭射之。烟燄蔽天。師遂大潰。會  
焚溺死者不可勝升數。上聲世忠僅以身免。奔還鎮江。  
兀術遂濟江。屯於六合縣。見四十七卷世忠以八千人拒。  
兀術十萬之衆。凡四十八日而敗。然金人自是亦不  
敢復渡江矣。**綱**遷趙鼎爲翰林學士。鼎辭不拜。呂頤  
浩免。**目**初。御營使本以行幸總齊軍政。而宰相兼領  
之。遂專兵柄。樞府幾無所預。頤浩在位尤顧恣。中丞  
趙鼎嘗疏論之。及聞韓世忠敗金人。頤浩請帝幸浙  
西。見上下詔親征。帝將從之。趙鼎以爲不可。輕舉頤浩。

惡鼎異已改鼎翰林學士鼎不拜改吏部尚書又不  
拜乃上疏論頤浩過失凡千餘言頤浩固求去詔以  
頤浩倡義勤王宜從優禮乃罷爲鎮南軍節度見六  
二卷  
七使體泉觀貫使而復命鼎爲中丞論之曰朕每聞  
前朝忠諫之臣恨不之識今於卿見之綱五月以范  
宗尹爲尚書右僕射同平章事張守參知政事趙鼎  
簽書樞密院事綱岳飛襲金人于靜安敗之綱元木  
旣濟江金人在建康資大肆焚掠執李稅陳邦光等  
自靜安渡宣化而去稅道死邦光歸於劉豫岳飛邀



擊金人於靜安鎮大敗之。六月張浚罷其都統制

出端。浚雖重用端然以人言浸潤不能無疑乃使張

彬詣渭州察之遂以彭原之敗罷端兵柄再貶

二帝徙五國城

海州團練副使萬安軍安置。是年四月金婁室入潼關曲端使吳玠拒於彭原敗績端走還涇原。秋七月金徙二帝于五國城。金將立劉豫乃徙二

帝於五國城去上京。見上東北千里徙此踰月太上

皇后鄭氏崩洪皓自雲中。見上密遣人奏書以桃梨

栗藟等獻二帝始知帝即位之實。八月以謝克家

參知政事。隆祐太后至越州。金人。撻圍楚州。見上

金立劉豫為齊帝

二。九月金立劉豫為齊帝。金遣高慶裔及知

趙立死節

張浚富平之敗

制誥韓昉備璽綬寶冊立劉豫為大齊皇帝世脩子

禮奉金正朔置丞相以下官九月豫即位都大名府

今直隸大名府改明年為阜昌元年綱詔劉光世督諸軍救

楚州光世不進鎮撫使趙立死之楚州陷綱張浚使

都統制劉錫帥五路之兵與金婁室大戰于富平敗

績浚退軍秦州目元术引兵趨陝西浚聞其將至檄

名熙河見七卷六劉錫秦鳳見同上孫偓撫涇原見七卷二

十劉錡環慶見同上趙哲四經略及吳玠之兵合四十

萬人馬七萬匹以錫為統帥迎敵決戰王彥諫曰陝



西五路兵將上下之情未通若不利則五路俱失不

若屯利

見卷六

閼

見卷六

與

見同

洋

見卷四

以固根

本敵入境則檄五路之兵來援萬一不捷未大失也

浚不從劉子羽亦力言未可浚曰吾寧不知此顧東

南事方急不得不為是耳吳玠郭浩皆曰敵鋒方銳

宜各守要害

見卷十

須其弊而乘之亦不從遂行次

於富平縣

見卷五

劉錫會諸將議戰玠曰兵以利動

今地勢不利未見其可宜擇高阜據之使不可勝諸

將皆曰我衆彼寡又前阻葦澤敵有騎不得施何用

他徙已而婁室引兵驟至與柴囊土藉淖泥也平行

進薄博通也諸營錫等與之力戰劉綺身率將士薄敵

陳殺獲頗多勝負未分而敵鐵騎直擊趙哲軍他將

不及援哲因離所部其將較望見塵起遂驚遁諸將

皆潰敵乘勝而進關陝大震浚時駐邠州今陝西西安府邠州

督戰既敗退保秦州見上召趙哲斬之而安置劉錫

於合州見七卷二八令諸將各還本路上書待罪帝手詔

慰勉之自是關陝不可復論者咎浚之輕師失律焉

靜軒周氏曰春秋莊九年書及齊師戰于乾時我師敗績傳曰內不言敗此言敗者為與讎戰



雖敗猶榮也。張浚是舉，雖違衆議而有輕師失律之愆，然以復讎舉事，則此戰爲義舉。雖云敗績，而其義聲充滿於天地之間矣。前書治兵興元以圖中原，此書帥五路之兵與金大戰，則其復讎之義，徇國之心，表表然者，豈因其功之不成而遂少貶之哉？觀綱目之所書，則其予之之意，蓋置乾時之戰見可見矣。註三卷三十

金人縱秦檜還

綱冬十月金人縱秦檜還。目檜從二帝至燕，金主以

檜賜捷懶爲其任用，捷懶信之。見上及南侵，以爲參

謀軍事，又以爲隨軍轉運使。捷懶攻楚州，檜與妻王

氏自軍中趨漣水軍，自言殺金人監已者奪舟而來。

欲赴行在。見上遂航海至越州，帝命先見宰執，檜首

范李力薦  
秦檜之忠

言如欲天下無事須是南目南北自北朝士多疑其

與何桌

栗

孫傳等同被拘執而檜獨還又自燕至楚

二千八百里踰河越海豈無譏

也。蔡訶問也。

之者安得

殺監而南就令

平聲

從軍撻懶金人縱之必質

至

妻屬

安得與王氏偕惟范宗尹及李回二人素與檜善盡

破羣疑力薦其忠信人對百奏所草與撻懶求和書

帝謂輔臣曰檜和忠過人朕得之喜而不寐既聞二

帝母后消息又得一佳書遂拜禮部尚書先是朝

廷雖數

朔

遣使於金但且守且和而專意與敵解仇



高宗以一  
言能枉石  
之賢臣

死節

系金史卷之六

息兵。則自檜始。蓋檜首倡和議。故撻懶陰縱之。使還

也。**綱**以李回同知樞密院事。**綱**十一月趙鼎罷。**目**上

欲以副都統辛企宗為節度使。鼎言企宗非軍功持

不下。帝不樂。遂罷鼎。提舉洞霄宮。**廣義**高宗當厄難之

而罷國家柱石之賢臣。**綱**以富直柔簽書樞密院事。**綱**

金人復陷涇原。**見**諸州軍。**綱**日南至。**冬**至。帝率百官

遙拜二帝。**自渡江至是始有此****綱**張浚軍興州。**見**遣

吳玠守和尚原。**在陝西鳳翔府**以拒金。**綱**十二月金

人寇熙河。副總管劉惟輔死之。金婁室卒。**目**金人掠

定差役法

熙河上見惟輔擊敗之殺五千餘人已而復至惟輔顧

熙河尚有積恣粟恐金人因之以守急出焚之爲金

人所執卒持以去惟輔曰死大斬卽斬吾頭豈

汝粹也顧坐上客曰國家不負汝一旦遽降敵邪卽

閉口不言而死所部亦多不屈被殺綱定差役法

帝在河朔河北親見閭閻之苦嘗歎知縣不得其人

一充役法卽至破家及卽位深加講議乃定差役法

以二十五家爲一保十大保爲一都內選才力高富

者二人充都保主一都盜賊烟火之事其次有保長



若品官。則一品限田五十頃至九品五頃。免差子孫  
蔭盡。則同編戶。太學生及得解。經省試者。許募人充  
役。軍丁女戶及孤弱悉免。

尺木堂綱鑑易知錄卷七九

周之炯靜專

綱目續編定本

山陰吳乘權楚材同輯

周之燦生若

南宋紀

高宗皇帝

辛亥紹興元年金天會九年春正月以張俊為江淮招

討使岳飛副之目時孔彥舟據武陵今湖廣常德府張用據

襄漢今湖廣襄陽漢陽二府李成據江淮湖湘見上卷十餘郡



尤悍強連兵數萬有席卷東南之意久圍江州今江西九江

府江朝廷患之以俊為招討使俊請岳飛同討許之綱

李成陷江州綱未幾復陷筠云州今江西瑞州府綱謝克家

罷二月以秦檜參知政事綱三月張俊岳飛大敗

張榮擊走  
汪瀨

李成于樓子莊羣盜皆遁復筠州綱武功大夫張榮擊

敗金兵于興化槿懶北遁善有可錄雖盜賊小人

也榮乃漁人微之微者武功大夫職之小者而能綱

以寡敵衆擊敗金人俘馘五千餘人顧不偉哉綱

榮本梁山灤薄灤破澤也漁人聚舟數百以劫掠金人杜

充時嘗借補武功大夫金人南侵攻之不克及金兵

退。榮襲據通州。

見上卷十一。

聯舟入興化。

今揚州府興化縣。

縮頭

湖作水寨以守。金撻懶在泰州。

今揚州府泰州。

謀再渡江。欲

先破營寨。榮率舟師與之遇。見金戰艦。

威上聲。

不多。餘

皆小舟。時水退隔泥淖。

閩。

不能前。乃舍舟登岸。大呼

而擊之。金人不得騁。舟中自亂。溺水及陷泥淖者。不

可勝

計。俘

乎。

誠

國。軍所虜。其

五千餘人。

撻懶收餘衆奔還楚州。

今江西南淮安府。

退屯宿遷。

今淮

安府宿遷縣。

尋北去。榮告捷於朝。遂以榮知泰州。綱張浚

軍閬州。

見六卷十。

分諸將守川陝。

綱夏四月。隆祐皇太



后孟氏崩

年五十九。諡曰昭烈。

劉先主復楚州。五月作

大宋中興王寶

綱張俊追敗李成于黃梅。成奔劉豫。

岳飛招張用降之。目俊引兵渡江追成至蘄

奇州。今湖

廣黃州府蘄州。

黃梅縣。亦屬黃州府。

大敗之。其衆數萬皆潰。

會成

北走降劉豫。用復寇江西。岳飛與用俱相

相州。今河南彰德府。

人以書諭之曰。吾與汝同里。欲戰則出。不戰則降。用

得書遂帥衆降。江淮悉平。張俊奏飛功第一。詔進飛

右軍都統制。屯洪州。

今江西南昌府。

彈壓盜賊。綱六月張浚

以吳玠爲陝西諸路都統制。

時止

關隴六路盡陷於金。餘階成岷鳳洮五州。

封太祖後

及鳳翔之和尚原隴州之方山原而已

**綱**秋七月封太祖後令話為安

定郡王**目**先是下詔曰太祖創業垂統德被萬世神

宗初封子孫一人為安定郡王今陝西今其封久不

舉有司具土應襲封者至是以德昭太祖長子玄孫令話

為安定郡王自後襲封不絕

雲間張氏曰宋之太祖雖襲五代之弊而篡周

其德澤人入之深誠有過焉彼傳位於太宗也

雖以母后之命非其一念友于之仁安能若此

哉綱目大書於周而分注備載其實者於以見

天俾高宗幹旋舊疆遺土以延太祖之後也

嗚呼太宗雖負昔兄而天其肯負於太祖邪

**綱**范宗尹免

**綱**八月張浚殺前威武大將軍曲端**目**

張浚殺曲端

綱目

卷七九

宋高宗

三



吳玠王庶  
陷曲端

浚既敗於富平

見上卷三二

乃思端言

初端謂金人難與爭鋒宜訓兵秣馬

保疆而已萬一輕舉後憂方大浚疑端遂以彭原之敗罷端兵柄萬安軍安置

名之還稍復

其官徙閬州

見上

將復用之

吳玠憾端因言端再起必

不利於公王庶又從而閒

諫

之玠復書曲端謀反四

字於手以示浚庶又言端嘗作詩題柱曰不向關中

興事業却來江上泛漁舟謂其指斥乘輿浚乃送端

於恭州獄有武臣康隨者嘗以事忤端端鞭其背隨

深憾之及浚以隨提點夔

今四川夔州府

路刑獄端聞之曰

吾其死矣隨至命獄吏繫維端以紙糊其口

脅迫

相秦檜

也之以火端乾干渴求飲與之酒九竅流血而死

西士大夫莫不痛惜之軍士悵悵有叛去者綱以李

回參知政事富直柔同知樞密院事綱以秦檜為尚

書右僕射夜同平章事兼知樞密院事目范宗尹既

去檜欲得其位因揚言曰我有二策可聳動天下或

問何不言檜曰今無相不可行也帝聞乃有是命義廣

贈程頤制

高宗既相秦檜則中綱詔贈程頤直龍圖閣制詞略

興之業自此喪矣綱聖人之道不得其傳世之學者其欲聞仁義道德之

說孰從而求之亦孰從而聽之爾綱潛心大業高明

自得之學可信不疑而浮偽之徒自綱知學問文采不

足表見於世乃竊借名以自售外示恬默中實奔競



使天下之士聞其名而疾之。是重不幸焉。朕所以振耀褒顯之者。以明上之所與在此。而不在彼也。

以呂頤浩為尚書左僕射同平章事兼知樞密院事。

汪藻請脩曆日

綱復脩日曆。目翰林學士汪藻言。本朝宰相皆兼史

館故書榻前議論之詞。則有時政記。柱下見聞之實。

則有起居注。謂之日曆。所以備言垂一世之典。苟曠

三十年之久。漫無一字。何以示來世。帝從之。即以命

長星見

藻。綱長星見。現詔求直言。綱冬十一月李回罷。綱王

德殲。尖邵青之衆于崇明沙。獲青送行在。目青寇宣

州。今江南寧國府。進圍太平。今江南太平府。劉光世招降之。尋復叛。

去聚其黨於崇明沙在江南蘇州府崇明縣將犯江陰見上卷二六

光世令都統制王德討之德執旗麾兵拔柵拆以入

青衆大潰會翌日餘黨復索戰牒口今言賊將用

王德被火牛

火牛德笑曰此古法也可一不可再命合軍持滿陣

始交萬矢齊發牛皆返奔賊衆殲盡殺也焉青自縛請

命德獻諸行在見上卷九餘黨悉平綱以孟庾參知政事

吳玠兄弟和尚原之捷

綱金兀术寇和尚原吳玠及其弟璘大敗之兀术遁

目玠自富平之敗見上卷三二收散卒保和尚原見上卷三四

積粟繕兵列柵為死守計或謂玠宜退屯漢中今陝西漢



府扼蜀

治四川成都府

口以安人心。玠曰：我保此，敵決不敢

越我而進。是所以保蜀也。玠在原上，鳳翔民感其遺

惠，相與夜輸芻粟助之。玠償以銀帛，民益喜輸者益

多。金人怒，伏兵渭河

在寶雞縣

邀殺之。且令保伍連坐，民

冒禁如故。金將沒立自鳳翔，烏魯折合

折音舌

自階今陝

西鞏昌府

成今鞏昌府成縣

出散關

見六一卷九

約日會和尚原。烏

魯折合先期至。陣北山索戰。玠命諸將堅陣待之。更

戰迭休。金人大敗遁去。沒立方攻箭箬

括關在鳳翔府岐山

北。縣東。玠復遣將擊破之。兩軍終不得合。金人自起海

駐軍

元術五刺  
勇而遁

角。扭。

紐習也。

於常勝。及與玠戰。輒敗。憤甚。謀必取玠於

是元術會諸師兵十餘萬。造浮梁。

浮橋也。

跨渭。自寶雞

結連珠營。壘石為城。夾澗與官軍相拒。進薄。

博。

和

尚原。玠與弟璘選勁弩。

命諸將分番迭射。石號駐隊。

兌矢。連發不絕。繁如雨注。敵稍却。則以奇兵旁擊。絕

其糧道。度。

鐸。

其困且走。設伏於神空。

憤。

以待之。敵至

伏發。遂大亂。玠因縱兵夜擊。大敗之。元術中二流矢。

僅以身免。亟鬚。

制本。

其鬚髯。

冉平聲。在頤曰髯。在頰曰鬚。

而遁。初

金人之至也。玠與璘以散卒數千駐原上。朝問隔絕。



初置見錢關子

人無固志有謀劫玠之兄弟北降者玠知之召諸將  
歃血盟勉以忠義皆感泣願盡死力故能成功綱初  
置見現錢關子目時命張浚屯婺務州今浙江金華府有司  
請椿辦合用錢而路不通舟錢重難致乃造關子錢鈔  
也付婺州名商人入中以給軍食商人執關子於權

見十四卷三貨務請錢願得茶鹽香貨鈔引者聽於是州

縣以關子充糴本未免抑配而權貨務又止以日輸

三分之一償之人皆嗟怨綱以孟庾為福建江西荆

湖宣撫使韓世忠副之目初建建州今福建寧府人范汝為

作亂破建陽

今建寧府建陽縣

命辛企宗討之不克其勢益

熾乃命庾為宣撫使世忠副之發大軍由溫台

今浙江溫

州台州

路入閩

今福建

汝為開大軍將至遂入據建州

綱富直柔罷綱十二月金以陝西地界

祕劉豫於是

盡屬於豫

綱壬子二年

金天會十年

春正月復賢良方正直言極諫

科綱韓世忠拔建州范汝為自焚死綱世忠聞汝為

入建州曰建居閩嶺上流賊沿流而下七郡皆血肉

矣亟率步卒三萬水陸並進直壓鳳凰山五日破之



李綱馳見  
世忠

汝為自焚死。世忠初欲盡誅建民李綱。見七七自

州。今福建馳見世忠曰。建民多無辜。世忠乃令軍士

駐城上。聽民自相別。農給牛穀商賈。古弛征禁脅。從

者汰遣。沙汰其罪而遣之也獨取附賊者誅之。民感更生。家為

立祠。捷聞。帝曰。雖古名將。何以加。世忠因進討江西

湖廣諸盜。**綱**帝如臨安。從呂師浩之請也**綱**二月。以李綱為

湖廣宣撫使。**綱**帝初御講殿。自迺幸以來經筵**綱**三

月。河南鎮撫使翟興為其下所殺。詔以其子琮代

之。**綱**劉豫將遷汴。宋汴京今河南開封府以興屯伊陽山。在河南

德府林縣憚之遣蔣頤持書誘興以王爵興斬頤而焚其

書豫復陰啗淡。餌也。興裨皮將偏將也。楊偉以利偉遂

殺興攜其首奔豫興在河南累年軍少乏食而能激

以忠義士莫不自奮金人畏之諸陵得不侵犯詔以

其子琮嗣職綱夏四月以翟汝文參知政事初汝文知密州

呂頤浩開府鎮江

秦檜為州文學汝文其才故簡引以攝政。綱呂頤浩都統江淮荆浙

諸軍事開府鎮江綱頤浩舉師出師身自督軍北向

乃命頤浩開府鎮江江江南頤浩辟壁也。文武士七

十餘人以神武見後軍及御前忠銳時分降盜

列監易知錄卷七宋高宗



劉豫徙居

趙延壽徐文等所部兵為七將

御前忠

趙延壽徐文等所部兵為七將御前忠崔增趙延

銳軍隸步軍司非樞密奉旨不許調遣

壽二軍從行韓世忠張俊劉光世岳飛王瓌楊沂中

等皆隸焉劉豫徙汴汴人豫至汴尊其祖考為帝

置於宋太廟是日暴風捲旂屋瓦皆振士民大懼時

河淮山東陝西皆屯金軍劉麟籍鄉兵十餘萬為皇

太子府庫分置河南汴京淘沙官兩京冢墓發掘殆

盡賦斂煩苛民不聊生岳飛追曹成犬敗之成走

邵州曰盜曹成初陷道州今湖廣永復陷賀州今廣西平

樂府縣擁眾十餘萬由江西歷湖湘見上據道賀二州

岳家軍來矣

岳飛戒部

命岳飛權荆湖東路安撫都總管付金字牌黃旗招

成。成聞飛至驚曰岳家軍來矣。即遁。飛追至賀州。力

戰大破之。成乃自桂嶺即臨賀嶺在賀縣。置砦寨至北藏嶺。

連控隘道。以衆十餘萬守蓮頭嶺。飛部纔八千人。一

鼓登嶺破其衆。成奔連州。今廣東廣飛謂部將張憲

徐慶王貴曰。成黨散去。追而殺之。則脅從者可憫。縱

之。則復聚為盜。今遣若汝等誅其首而撫其衆。慎勿

妄殺。累上保民之仁。於是憲自賀連。慶自邵邵州今湖廣寶

府。道貴自郴。丑森反。今桂。桂州今廣招降者二萬。

宋高宗



與飛會連州進討。出走入邵州。**綱**五月以權邦彥簽

書樞密院事。邦彥獻圖中興**綱**有太祖後子偁之子

孝家男名

伯琮子宮中賜名璵**綱**元懿太子卒。見上卷帝未

有後竟宗尹嘗造璵請建太子。帝曰太祖以神武定

天下子孫不得享之。遭時多艱零落可憫。朕若不法

仁宗為天下計。何以慰在天之靈。於是詔知內外宗

正事令廣選太祖俊將育宮中會上虞今浙江紹興府上虞縣

縣丞妻亮上書曰先正謂范有言太祖舍其子而

妻亮上書

立弟此天下之大公周王薨章聖也。真宗取宗室育之

宮中此天下之大慮

見六九卷五

仁宗感悟其說名英宗

入繼大統文子文孫

周書立政篇今文子文孫肅子王矣

詩大

雅假樂篇穆穆皇皇宜君宜王性穆穆敬也皇皇美也君諸侯也王天子也庶為諸侯嫡為天子

遭

罹離

變故不斷如帶今有天下者獨陛下一人而已

屬也者椒寢

見十二卷二音注椒房

未繁前星

晉天文志心三星中曰明堂天

子位前星為太子後星為庶子不耀孤立無助有識寒心天其或者

深戒陛下追念祖宗公心長慮之所及乎崇寧

徽宗年號

以來諛臣進說獨推濮王

濮安懿王英宗生親也

子孫以為近

屬餘皆謂之同姓遂使昌陵

太祖陵也

之後寂寥無聞僅



同民庶藝祖

始祖也謂太祖

在上莫肯顧歆此金人所以未

悔禍也望陛下於伯字行內選太祖諸孫有賢德者

視秩親王俾牧九州以待皇嗣之生退處藩服庶幾

上慰在天之靈下繫人心之望書奏帝讀之大感歎

至是選秦王德芳

太祖次子

後朝秦大夫子偁之子伯琮

入宮命張婕妤

見卷八

鞠之生六年矣其後吳才

人

見卷七

亦請於帝乃復取秉義郎子彥之子伯玖

命才人鞠之皆太祖後也尋以伯琮為和州

今江南和州

防禦使賜名瑗

綱

呂頤浩前軍將趙延壽叛頤浩次

韓世忠降  
曹成

領飛石銘  
于州縣

于常州今江南常州府王德追延壽至建平今江南廣德州建平縣誅

之綱張浚以劉子羽知興元府今陝西漢中府綱韓世忠招

曹成降之目世忠既平范汝為見上旋師未嘉今浙江溫州府

嘉縣今江西南昌府若將休息者忽由處今浙江信州府徑

至豫章今江西南昌府連營江濱數十里羣賊不虞其至大

驚世忠因使董收招成成方為岳飛所追乃率眾降

得戰士八萬遣詣行在綱六月以李橫為襄襄州今湖廣襄陽

奇郢郢州今湖廣武昌府鎮撫使綱頒戒石銘于州縣目以黃

庭堅所書戒石銘頒於州縣令刻石文曰爾俸爾祿



胡安國時  
政論

民膏民脂。下民易虐。上天難欺。**綱**翟汝文罷。**目**汝文  
雖爲檜所薦。然性剛。不爲檜屈。至對案相詬。目檜爲  
金人姦細。故不得久居位。**綱**秋八月。召朱勝非兼侍  
讀。罷給事中胡安國。及程瑀等二十人。**目**帝初卽位。  
召安國爲給事中。黃潛善惡之。遂罷潛善去。復召爲  
中書舍人。兼侍講。安國因上時政論。二十一篇。其言  
以爲。保國必先定計。定計必先建都。建都擇地必先  
設險。易坎卦彖傳。王公設險以守其國。分土必先制國。制國以守必  
先恤民。夫國之有民。猶人之有元氣。不可不恤也。除

亂賊選縣令。輕賦斂。吏耕弊法。省官吏。皆恤民事也。

而行此有道。必先立政。立政有經。必先嚴賞而後賞。

罰當。賞罰當而後號令行。人心順從。惟上所命。以守。

則固。以戰則勝。以攻則服。天下定矣。然欲致此。顧人。

主志尚如何耳。尚志所以立本也。正心所以決事也。

養氣所以制敵也。宏度所以用人也。寬隱所以明德。

也。具此五者。帝王之能事畢矣。論入改給事中。入對。

以疾力。力甚也求去。帝曰。聞卿深於春秋。方欲講論。遂。

以左氏傳付安國點句。正音。安國言春秋經世大典。

五者帝王之能事畢



胡安國以游酢言秦檜

見諸行事非空言比。方今思濟艱難。左氏繁碎不宜虛。光陰耽翫文采。莫若潛心聖經。帝善之。命兼侍讀。專講春秋。先是秦檜欲傾呂頤浩而專政。乃多引知名士布列清要。以自助。安國嘗聞游酢論檜人材可方荀文若。荀彧字文若見二五卷十五故力言檜賢於張浚諸人。及頤浩自常州見還。憾檜欲去之。問計於席益。益曰。目為黨可也。今黨魁胡安國在瑣闥。禁門曰闥。刻為連瑣文。故稱宜先去之。會頤浩薦知紹興府。屬浙朱勝非代已都督。帝從之。命下。安國奏。勝非與黃潛善汪伯彥同

胡安國論  
朱勝非

在政府緘默附會馴

旬

致渡江尊用張邦昌結好

去聲

金虜淪滅三綱天下憤鬱及正位冢司

勝非為相

苗劉肆

逆

苗傳劉正彥之亂

貪生苟容辱逮君父今彊敵憑陵叛臣

不思用人得失繫國安危深恐勝非上誤大計帝為

去聲罷都督之命改兼侍讀安國復持錄黃

詔敕也

下下

頤浩特命檢正黃龜年書行安國言有官守者不得

其職則去臣今待罪無補既失其職當去甚明况勝

非既臣論列之人今朝廷乃稱勝非處苗劉之變能

調護聖躬

謂諫帝禪位皇子及致復位

昔公羊氏言祭

債

仲慶君



公羊稱祭仲廢君為行權

為行權春秋桓公十一年九月宋人執鄭祭仲公羊傳祭仲者何鄭相也何以不名賢也何賢乎祭仲以為知權也其為知權奈何祭仲出於宋宋人執之謂之曰為我出忽而立突祭仲不從其言則君必死國必亡從其言則君可以生易死國可以存易亡少遼緩之則突可故出而忽可故反古人之有權者祭仲之權是也按左傳鄭祭仲為莊公娶鄧曼生昭公忽宋大夫雍氏女妻於莊公生厲公突莊公卒祭仲立昭公宋人誘祭仲而執之曰不立突將死祭仲與宋人盟以厲公歸而立之昭公奔衛先儒力排其說據安國春秋傳祭仲鄭相也見執於宋使出其君而立不正罪較然矣蓋權宜廢置非所施於君父春秋大法尤謹於此建炎高宗年之失節者今雖特釋而不問又加進擢習俗既成大非君父之利臣以春秋入侍而與勝非為列有違

經訓遂臥家不出。頤浩勸帝降旨落職。提舉仙都觀。  
貫秦檜三上章畱之。不報。侍御史江躋、左司諫吳表  
臣論勝非不可用。安國不當責。於是與張燾、程瑀、胡  
世將、劉一止、林待聘、樓炤等二十餘人皆坐檜黨並  
落職。罷官。臺省爲之一空。

雲間張氏曰：姦人用意之深，豈易測哉？書稱知  
人之難信矣。秦檜以金撻懶陰縱其還朝，士固  
多疑之。然亦不能覘知其實。厥後惟以言貌欺  
人，故高宗信其忠朴。其初安國輕信游酢，方其  
爲荀文若，況文若爲巨姦之輔，其出處已非正  
矣。就使檜如文若，亦何所取？文若之死，漢室是  
亦天理終不可泯。安國豈能必檜如文若之死？  
漢室哉！噫，安國明於春秋而力言檜賢如此，則



知人信乎  
其難

知人信乎其難矣。惜乎安國之賢而不能知秦檜之姦。固宜綱目書法之異於翟汝文也。

王居正安  
秦檜之諱

罪于朝堂。先是起居郎王居正與秦檜善。及檜執政。與居正論天下事甚銳。胃既相。所言皆不酬。居正疾其諛。言於帝曰。秦檜嘗語臣。中國之人唯當著衣啗飯。共圖中興。臣時心服其言。檜又自謂為相數月。必聳動天下。今為相設施止是願陛下以臣所言問檜所行。檜聞而憾之。出居正知婺州。見上及胡安國罷檜。留之不報。遂求去。呂頤浩諫。侍御史黃龜

王正先  
覺

年刻檜專主和議沮止國家恢復遠圖且植黨專權  
漸不可長乃罷檜相仍榜朝堂示不復用初檜所陳  
二策欲以河北人還金中原人還劉豫帝曰檜言南  
人歸南北人歸北朕北人將安歸檜語乃塞至是帝  
召直學士院綦其密崇禮語以是事及居正所言密  
禮卽以帝意載於制辭播告中外人始知檜之姦

靜軒周氏曰秦檜包藏禍心人無知者雖賢如  
游酢尚稱其有才正如胡安國亦論其可用獨  
王居正甚言其非抑亦先覺者乎帝能既免其  
官俾撈其罪可謂得好惡之公矣未幾而復以  
之爲相者蓋由高宗之心初無定見因物有遷  
云爾苟使檜之此罷而終身不用則中興之業



豈不為可成哉惜其不足以知此也

**綱** 彗星

見五卷

見赦求直言

**綱**

九月韓世忠大敗劉

韓世忠大敗劉忠

忠于蘄

其陽

今湖廣黃州府蘄州

忠走降劉豫

**綱**

世忠自豫章

見上移師長沙

今湖廣長沙府

劉忠有衆數萬據白面山營

柵相望世忠至與賊對壘奕基張飲堅壁不動衆莫

能測一夕與蘇格聯騎穿賊營候者訶問世忠先得

賊軍號隨聲應之周覽以出喜曰此天賜也夜伏精

兵二千於山下與諸將拔營而進賊方迎戰伏兵已

馳入中軍奪望樓植旗蓋傳呼如雷賊回顧驚潰世

忠麾將士夾擊大破之。忠走降豫。**綱**王倫還白金。

王倫之還何以特書所以明其贊成和議者皆倫之所為也故特謹而書之**目**倫既破雷

見七七久困懷歸乃倡為和議粘沒喝縱之歸報倫

至人對言金人情偽甚悉帝優獎之時方議討劉豫

和議中格。閣止也久之乃以潘致堯為通問使復如金

相朱勝非**綱**以朱勝非為尚書右僕射同平章事兼知樞密院

事**綱**以王似為川陝宣撫處置副使**目**張浚在關陝

陝三年訓新集之兵當方張之敵以劉子羽為上賓任

趙開為轉運擢吳玠為大將子羽慷慨有才略開善



理財而玠每戰輒勝西北遺民歸附者衆故關陝雖

失而全蜀安堵

見四二卷七

且以形勢牽制東南江淮亦

賴以安朝廷疑浚殺趙哲

見上卷三三

曲端見上

爲無辜

任子羽開玠爲非是乃以似爲副使浚始不安綱冬

十一月李綱至潭州

今湖廣長沙府

湖南羣盜平

綱十二月

罷湖廣宣撫使李綱

綱

上言荆湖自昔用武之地

今朝廷保有東南制馭西北當於鼎

鼎州見五下二二澧六卷

三荆

今湖廣鄂州今湖

一荆州府鄂廣武昌府

皆宿重兵使與四川襄漢

今湖廣襄陽漢陽二府

相接乃有恢復中原之漸會呂頤浩言

綱縱暴無善狀而諫官徐俯劉斐亦劾綱遂罷提舉

崇福宮綱名張浚知樞密院事非又呂頤浩不悅浚朱勝

故名之而以盧法原為川陝宣撫副使與王似同治司事

**綱**癸丑三年金天會十一年春正月李橫舉兵伐金復綱穎昌

府今河南開封府許州**綱**橫屢敗劉豫及金兵詔以橫為襄陽

府見上鄧今河南南陽府鄧州隨今湖廣德安府隨州鄧見上州宣撫

使**綱**金人陷金州王彥走石泉**綱**王彥守金州今陝西

中府興安州金撒窩離喝攻之彥以三千人迎敵而敗退

保石泉今漢中府石泉縣撒窩喝遂乘勝而進**綱**三月劉子



羽吳玠兵潰會于饒風關金人入興元子羽玠還擊

破之回金人長驅趨洋今漢中府漢即漢中府劉子羽聞王

彥敗亟命田晟守饒風關在漢中府西鄉縣東而遣人召吳玠

入援玠自河池今漢中府鳳縣日夜馳三百里至饒風以黃

相日遺去敵曰大軍遠來聊用止渴撒商喝大驚

以杖擊地曰爾來何速邪遂悉力仰攻一人先登二

人擁後先者既死後者代攻玠軍弓弩亂發大石摧

壓如是者六晝夜死者山積密敵乃更募死士由閒

諫道自祖溪關入繞出玠後乘高以闌苦隘反饒

吳玠黃相遺敵

傷政諫吳

風諸軍不支遂潰敵入洋州即洋縣玠邀子羽去子羽

不可而留玠同守定軍山玠難之遂退保興元見上

之西縣今漢中府河縣子羽亦焚興元退保大安今陝西西安府之

三泉縣撒离喝遂入興元至金牛鎮在漢中府寧羌州四川

大震子羽從兵不滿三百與士卒取草芽木甲食之

遺玠書訣別玠得書未有行意其愛將楊政大呼軍

門曰節使不可負劉待制不然政輩亦舍節使去矣

玠乃開道會子羽子羽留玠共守三泉玠曰關外蜀

之門戶不可輕棄復往守仙人關在鳳縣子羽以潭毒



山形斗拔。山在四川保寧府廣元縣北。其上寬平有水乃築壁壘

據胡牀坐壘口

方成而金人已至距營十數里子羽據胡牀坐壘口

諸將泣告曰此非待制坐處子羽曰子羽今日死於

此敵尋亦引去時張浚亦移守潼川今四川潼川州子羽遣

書言已在此金人必不南浚乃止金兵由斜耶谷在

縣北去撒离喝既至鳳翔今陝西鳳翔府遣十人持書招子

羽子羽皆斬之而縱其一還曰為我語賊欲來即來

吾有死爾何可招也初子羽聞有金兵預徙梁梁州

預徙梁洋之積

中洋上見之積及金人深入餽餉不繼殺馬及兩河

李橫傳檄  
收復東京

所命軍士以食而子加其死傷士  
五六疫癘且作乃引眾還子胎子因出師其後通  
人墮溪澗死者不可勝計盡棄輜重而士無兵不  
能自拔者悉降子羽遂還興元金人詔李橫力直  
西邊故涉險東來不虞玠馳至雖入三關而子羽  
矢<sub>綱</sub>權邦彥卒以席益參知政事徐濟發遣  
院事<sub>綱</sub>三月李橫傳檄收復東京汴劉豫以  
來戰于牟駝岡橫師敗績穎昌見復陷<sub>綱</sub>夏四月  
太僭號大聖天王詔統制王燾合兵討之<sub>太又名</sub>  
蓋楚人

綱鑑易知錄  
卷之九  
宋高宗  
九



年少者為云。么育邀綱以韓侂胄簽書樞密院事遣使金

堯還言金欲再遣重臣以取信遂寢出綱王彥復金

師之議而遣肖胃及胡松年往金議和綱王彥復金

州見綱詔李橫等班還也師還鎮見上禁邊兵侵齊與

金議和也。綱六月岳飛討江廣羣盜悉平之目時

齊謂劉豫庚州今江吉吉州今江盜連兵寇掠江廣江西諸

州帝專命飛平之飛至虔固石洞賊彭友悉眾至雲

于鄱今贛州府迎戰躍馬馳突飛麾兵即馬上擒之

餘黨皆破降之初帝以降祐太后震驚之故見上卷

密令飛屠虔虔城飛請誅首惡而赦脅從帝許焉虔人

岳飛平

岳飛仁將

感其德繪像祠之及入見帝于書省忠岳飛子雲

以賜之綱秋九月呂頤浩免以劉光世韓世忠為

江東兩淮宣撫使王瓌岳飛為荆湖江西制置使分

屯沿江諸州綱冬十月李成寇襄陽見上李橫奔荆

南今湖廣成遂陷京西汴京六都綱十一月復元祐

十科取士法見七三綱金元朮陷和尚原見上

綱甲寅四年金天會春二月席益罷綱三月吳玠吳

玠與金元朮戰于仙人關大敗之先是玠守和尚

原饋餉不繼玠慮金人必復深入其地去蜀遠乃

吳玠兄弟  
仙人關之



殺金

撞竿碎雲

命璘別營壘於仙人關今上之地名曰殺金平移  
兵守之至是元木撒窩喝劉襲帥步騎十萬破和尚  
原進攻仙人關自鐵山鑿崖開道循嶺東下所以萬  
人守殺金平今陝西寧州路入授  
冒圖輕戰七晝夜始得破今仙人關敵首攻玠  
營玠擊走之今以害今軍壁湯政以障竿碎其梯  
以長矛刺之今軍分今元木陣於東韓常陣於西  
時率今卒介其間今左總今右策隨今而後戰數日玠大  
出今陣今王喜今上今分今擊今出今入今營金陣

亂奮擊射石韓常中左目金人始背遁玠遣統制官

張彥劫橫山砦王俊伏河池見上扼其歸路又敗之

是役也元术以下皆攜妻孥來劉夔乃劉豫腹心本

謂蜀可圖既不得逞度鐸玠終不可犯乃還據鳳翔

見上授甲士田為久畱計自是不妄動矣

吳玠功不  
在韓世忠

雲間張氏曰元术南侵之志可謂銳矣然終不  
得遂其志者以世忠劉之於前吳玠扼之於後  
向非二公之忠勇則元术之志伊誰沮之  
觀此則知吳玠之功不在世忠之下明矣

**綱**以趙鼎參知政事**綱**張浚至臨安罷為資政殿大

學士居之福州**目**浚雖被召以劉子羽等軍敗祕其



事未行已而詔王似盧法原赴鎮浚。及子羽王庶劉

錫等俱赴行在。浚王臨安中丞辛炳以宿憾率殿中

侍御史常同等劾浚喪師失地跋扈。見二五不臣遂

落職奉祠。福州。今福建福州府居住安置劉子羽於白州。見四

七卷浚即日行詔以王似為川陝宣撫使盧法原吳

玠副之法原尋卒。綱夏四月徐俯罷。與趙鼎議不合故也綱五

月以岳飛兼荆南制置使。綱時楊太與劉豫通欲順

流而下李成既據襄陽又欲自江西陸行趨浙與太

會帝命飛為之備朱勝非言襄陽國之上流不可不

飛渡江  
官編賦

急取。飛亦奏襄陽等六郡為恢復中原基本。今

取六郡以除心膂之病。李成遠遁然後加兵湖湘上

八以殄羣盜。帝以語去聲趙鼎。鼎曰：知上流利害無如

飛者。除飛兼荆南制置使。飛渡江中流顧幕莫屬府

僚曰：飛不擒賊不涉此江。**綱**秋七月以明年發書

樞密院事。朱勝非薦之也**綱**岳飛復襄陽等六郡。襄漢悉平

安軍聲大振捷聞帝喜曰朕素聞飛**綱**八月以趙鼎

行軍有紀律未知其能破敵如此

知樞密院事。都督川陝荆襄諸軍事。**綱**鼎為朱勝非

所忌。除鼎樞密都督。鼎條奏便宜復為勝非所抑。乃



上疏

上疏言頃者陛下遣張浚出使川陝國勢百倍於今

浚有補天浴日之功

列子女媧氏鍊五色石以補天闕淮南子日出暘谷浴於咸池

陛下有礪山帶河之誓

見十四卷二十八君臣相信古今無二

而終致物議以被竄逐夫喪師失地浚則有之然未

必如言者之甚也大抵專黜陟之興受不御之權則

小人不安其分謂爵賞可以苟求一不如意便生觖

厥望也

是時蜀士至於釐

強入聲斂也

金募人詣闕訟

之以無爲有何以自明故有志之士欲爲國立事者

每以浚爲戒今臣無浚之功當此重責去朝廷遠恐

好惡是非。行復紛紛於聰明之下矣。望閔臣孤忠。使  
得展布四體。少寬陛下西顧之憂。

納物之痛  
之說

雲開張氏曰。高宗此舉可謂得人矣。觀夫趙樞  
密一疏。譬則冬裘夏葛。切中時病。夫以張浚之  
得君。尚不能終君臣之好。安知後日高宗不以  
待浚者。而待已耶。此亦納約。目庸之說也。鼎其  
賢首。納約自庸見十  
哉。註卷二九音註

**綱**遣吏部員外郎魏良臣使金

奉表通問。時金人已  
定議出兵。而帝未之

也。**綱**楊太敗官軍于鼎江。詔岳飛移兵討之。王玠

遣忠銳

見上

統制崔增等討太於鼎江。

鼎江

師敗皆

沒。太乘大水出兵。攻破鼎州。

今湖廣常德府

社木寨。守將許

綱鑑易知錄

卷之七

宋高宗

二二



答詮

戰沒官軍死者甚衆。於是授飛清遠軍節度使。

代王璽討太飛。時年三十二。中興諸將建節未有如

飛之年少者。綱九月朱勝非罷。

劉豫使其子麟以

金兵入寇。綱以趙鼎爲尚書右僕射同平章事兼知

樞密院事。

綱時邊報驟至。舉朝震恐。鼎將赴川陝。陛

辭。帝曰：卿豈可遠去？當遂相朕制。下朝士相慶。綱以

沈與求參知政事。綱冬十月詔韓世忠進屯揚州。

江今

名張浚

南揚州府名張浚于福州。綱初浚至福州。

見上慮金齊

必併力窺東南。而朝廷已議講解。因上疏極言其狀。

至是帝思其言。會趙鼎勸帝親征。帝從之。俞樾曰

鼎曰六龍

謂天子也。易乾卦彖傳時乘六龍以御天。

臨江。兵氣百倍。然公

自度

此舉果出萬全乎。或姑試一擲也。鼎曰中國

累年退避。不振敵情。益驕。義不可更屈。故贊上行耳。

若事之濟否。則非鼎所可知也。樗曰然則當思歸路

耳。張德遠

字張浚

有重望。若使宣撫江淮。荆浙。福建。俾

以諸道兵赴闕。則其來路卽朝廷歸路也。鼎然之。入

言於帝。遂召浚以資政殿學士提舉萬壽觀。賈兼侍

讀。綱韓世忠大敗金人于大儀。追至淮而還。且世忠

韓世忠大儀之捷



薛世忠結  
與良臣

新金

卷七

二

至揚州使統制解元解音蟹守承州候金步卒親提騎

兵駐大儀以當敵騎伐木為柵折自斷短歸路會魏

良臣使金過之世忠撤炊爨給臺上聲良臣有詔移

屯平江蘇今江南良臣疾馳去世忠度鐸也良臣已出境

即上馬令軍中曰祇同吾鞭所嚮於是移軍向大儀

勒五陣設伏二十餘所約聞鼓即起擊良臣至金軍

中金前將軍聶見上卷見亭堦二九問官軍動息具以所

見對亭堦大喜即引兵至江口距大儀五里別將撻

不野擁鐵騎過五陣東世忠傳小麾鳴鼓伏兵四起

旗色與金人旗雜出。金軍亂。軍迭進。世忠令背鬼

危軍各持長斧上搥震擊也人胸下斫斫也馬足敵被

甲陷泥淖開世忠麾勁騎四面蹂躪各人馬俱斃遂

擒撻不野等二百餘人。而世忠所遣遺民亦擊敗

金人於天長今江南鳳陽府天長縣之鴉鴉口橋解元至承州

北門遇敵設水軍夾河陣。一日十三戰相拒未決。世

忠遣成閔將騎上往援復大戰俘獲甚多。世忠復親

追至淮淮水在鳳陽府金人驚潰相蹈藉籍溺死者甚衆捷

聞羣臣人賀帝曰世忠忠勇朕知其必能成功沈與



中興武功  
第一

求曰自建炎高宗年號以來將士未嘗與金人迎敵一戰。今世忠連捷厥功不細論者以此舉爲中興武功第一。**綱**帝自將禦金次于平江。**臣**金齊之兵日迫羣臣勸帝他幸散百司以避之。張浚曰避將安之。惟進禦乃可耳。趙鼎曰戰而不捷去未晚也。帝因曰朕爲二聖在遠屈己請和而彼復肆侵陵朕當親總六師臨江決戰。沈與求復力贊之。鼎喜曰累年退怯敵志益驕。今聖斷親征將士必奮成功可必。臣願效區區以圖報國。於是以孟庾爲行宮畱守。命百司不預軍旅。

之務者從便避兵。以張俊爲浙西江東宣撫使。王夔

爲江西沿江制置使。胡松年詣江上會諸將議進兵

劉光世詣軍建康。今江南江寧府後宮自溫州。今浙江溫州府泛海

如泉州。今福建泉州府光世遣人諷鼎曰。相公自人蜀何事

爲他人任患。韓世忠亦曰。趙丞相真敢爲者。鼎聞之

恐上意中變。乘間。闕。乘言陛下養兵十年。用之正

在今日。若少加退沮。卽人心渙散。長江之險。不可復

恃矣。帝遂發臨安。劉錫揚存中以禁兵扈。戶從韓世

忠捷奏至。帝次平江。見上欲自渡江決戰。鼎曰。敵之遠



趙鼎先見

來利在速戰遽與爭鋒非策也。且逆豫猶遣其子。豈可煩至尊邪。帝乃止。及胡松年自江上還云。北兵大集。然後知鼎之有先見也。

雲間張氏曰。昔唐憲宗伐淮蔡而成功。韓文公作平淮碑有曰。凡此蔡功。惟斷乃成。然彼蔡功之所以成。其果出於憲宗之獨斷邪。亦惟裴晉公諸賢贊成之耳。今也金兵日南。非趙丞相諸公力勸。則高宗不能決自將之謀。噫。是役也。秦檜不去。則難乎其有成矣。

綱

十一月詔暴

僕

劉豫罪逆于六師

自豫僭逆朝廷以金故至名為

張浚視師江上

大齊至是始聲其罪以厲六師

綱

以張浚知樞密院事視師江上

目

浚至見趙鼎執其手曰。此行舉事皆合人心。鼎笑曰。

子才

喻子才字喻樛之功也。復命浚知樞密院事。以其盡忠

竭節。詔諭中外。浚既受命。即日起江上視師。時撻懶

兀術擁兵十萬。約日渡江決戰。浚長驅臨江。召劉光

世韓世忠張浚議事。將士見浚勇氣十倍。浚既部分

諸將。身畱鎮江。今江南鎮江府以節度之綱。十二月。金人圍

廬州。今江南廬州府岳飛使牛皋救之。金兵敗走。綱魏良臣

還自金。帑後賜言當割建州以南王爾家為小國。索

在請罷講和二字。以攻守代之。飭厲綱金兵自淮引

諸將力圖攘狄。遂不復遣。在音羌綱金兵自淮引

還。綱撻懶屯泗州。見上元術屯竹箠。敦鎮為韓世忠



所扼以書幣約戰。世忠遣麾下王愈及兩伶人以櫛  
茗報之。且言張樞密已在鎮江。元朮曰：「張樞密貶嶺  
南州。」謂福州。何得乃在此？愈出浚所下文書示之。元朮色  
變，遂有歸意。會雨去聲雪，餽道不通，野無所掠，殺馬而  
食。蕃漢軍皆怨。又聞金主鼎病篤，乃夜引還。元朮等  
既去，劉麟、劉猷不能獨留，亦棄輜重。載衣物車。帝謂趙  
鼎曰：「近將士致勇爭先，諸路守臣亦翕然自効，乃朕  
用卿之力也。」鼎謝曰：「皆出聖斷，臣何力之有？」或問鼎  
曰：「金人傾國來攻，衆皆洶懼，公獨言不足畏，何也？」鼎

趙鼎真受

和

李綱上疏

曰敵衆雖盛然以劉豫邀而來非其本心戰必不力  
是以知其不足畏也帝語張浚曰趙鼎真宰相天使  
佐朕中興可謂宗社之幸鼎奏金人遁歸右常博承  
羣言爲善後之計於是詔前宰執議攻戰備禦措置  
緩懷之方提舉臨安府洞霄宮李綱上疏曰議者或  
以敵馬既退當遽用兵爲大舉之計臣竊以生理未  
固而欲浪戰以僥倖非制勝之術也今朝廷以東南  
爲根本苟不大脩守備先爲自固之計何以能萬全  
而制敵議者又謂敵人既退當且保據一隅以苟目



守備之宜

戰戰之利

前之安。臣謂祖宗境土。豈可坐視淪陷。不務恢復。若  
今歲不征。明年不戰。使敵勢益張。而吾之所糾合精  
銳士馬。日以耗損。何以圖敵。唯宜於防守。既固重政  
既脩之後。卽議攻討。乃爲得計。其守備之宜。則料理  
淮甸荆襄。以爲東南屏。內蔽當於淮之東西。及荆襄  
置三大帥。屯衆兵以臨之。分遣偏師進守支郡。加以  
戰艦。咸上聲。戰船。水軍。上連下接。自爲防守。則藩籬之勢  
成。守備之宜。莫大於是。然後可議攻戰之利。分責諸  
路大帥。因利乘便。收復京畿。以及故都。斷以必爲之。

借置所當先

緩懷所當先

志而勿失機會。則以弱為強。取威定亂。逆臣可誅。強敵可滅。攻戰之利。莫大於是。若夫萬乘所居。必擇形勝。以為駐蹕。見六六卷十二之所。東南形勢。無如建康。今江寧舊都未復。莫若權於建康駐蹕。治城池。脩宮闕。立官府。固營壁。使粗成規模。以待巡幸。此措置之所當先也。至於西北之民。皆陛下赤子。去聲祖宗涵養之深。其心未嘗忘宋。特制於強敵。不能自歸。天威震驚。必有願為內應者。宜優加撫循。使陷溺之民。知所依怙。益堅戴宋之心。此緩懷之所當先也。又曰。臣竊觀



羣臣之誤

陛下臨御九年。國不闢而日蹙。事不立而日壞。將驕而難御。卒惰而未練。國用匱而無贏。盈餘之蓄民力。困而無休息之期。使陛下憂勤雖至。而中興之効。邈莫乎無聞。則羣臣誤陛下之故也。陛下觀近年以來所用之臣。慨然敢以天下之。自任者幾人。平居無事。小廉曲謹。似可無過。忽有擾攘。則錯愕無所措手。足不過奉身以退。天下憂危之重。委之陛下而已。有臣如此。何補於國。而陛下亦安取此。大槩近年。閒閑暇。則以和議爲得計。而以治兵爲失策。倉卒。猝則以

陳退避

退避爲愛君。而以進禦爲誤國。國勢益弱。職此之由。今天啓宸衷。悟前日和議退避之失。親臨大敵。天威所加。使北軍數十萬之衆。震怖不敢南渡。潛師宵奔。則和議之與治兵。退避之與進禦。其効槩可見矣。然敵兵雖退。未大懲創。安知其秋高馬肥。不再來擾我疆場。使疲於奔命哉。且退避之策。可暫而不可常。可一而不可再。退一步則失一步。退一尺則失一尺。往時自南都。卽南京。今河南歸德府。見七七卷。退至維揚。今江南揚州府。見七七卷。九則河北。治直隸大名府。河東。治山西太原府。關陝失矣。自維揚退



至江浙則京東西

汴京之東之西也

矢矣萬一敵騎南牧將

復退避不知何所適而可乎。航海之策萬乘冒風濤

之險此又不可之尤者。惟當於國家閒暇之時明政

刑治軍旅選將帥脩車馬備器械峙

雉。儲備也。

糗糧積

金帛敵來則禦俟時而奮以光復祖宗之大業此最

上策也。臣願陛下自今以往勿復為退避之計。夫古

者敵國善鄰則有和親仇讎之邦鮮復遣使。今金人

造釁之深知我必報其措意為何如而我方且卑辭

厚幣屈體以求之其不推誠以見信決矣。器幣禮物



所費不貲

客也量也

使輅

姚小車

往來坐索士氣而又邀我

以必不可從之事制我以必不敢爲之謀是和卒不

成而徒爲此擾擾也況於吾自治自強之計動輒相

妨臣願自今以往勿復遣和議之使二者既定擇所

當爲者一切

砌

以至誠爲之俟吾之政事脩倉廩實

府庫充器用備士氣振力可有爲乃議大舉則兵雖

未交而勝負之勢決矣惟陛下正心以正朝廷百官

使君子小人各得其分則是非明賞罰當自然藩方

協力將士用命雖強敵不足畏逆臣不足憂此特在



陛下。方寸閒耳。疏奏。帝賜詔褒諭。

